

HELAIAN PENDEDAHAN PROGRAM

<p>Anda diingatkan untuk membaca helaian pendedahan produk ini sebelum anda membuat keputusan untuk memilih Pembiayaan Pendedar. Sila pastikan anda juga membaca terma dan syarat muktamad di dalam Surat Tawaran (“LO”) dan Perjanjian Kemudahan. Anda dengan ini diingatkan supaya sentiasa mencari dan mendapatkan nasihat undang-undang bebas anda sendiri. Sila dapatkan penjelasan daripada wakil sah AmBank (M) Berhad (“Bank”) sekiranya anda tidak memahami mana-mana bahagian dokumen ini atau terma umum yang dinyatakan di sini.</p>	<p>AmBank (M) Berhad Pembiayaan Pendedar Tarikh: 30 November 2023</p>
<p>1. Apakah perlu saya ketahui tentang program ini?</p> <p>Pembiayaan Pendedar (“DF”) ialah program berstruktur di bawah Pembiayaan Rantaian Bekalan Perdagangan oleh Bank yang memberi Pendedar (“Pembeli”) jalan untuk mendapatkan pendanaan bagi menyokong pembelian barangan/perkhidmatan berulang daripada Prinsipal (“Pembekal”) mereka yang membentuk sebahagian besar daripada perniagaan Pembeli.</p> <p>Program ini menyediakan pembiayaan terus kepada Pembeli untuk mengatasi kecairan/jurang masa antara jangka masa tunai atau kredit yang diberikan oleh Pembekal dan tarikh Pembeli menerima hasil kutipan daripada jualan barangan/perkhidmatan.</p>	
<p>2. Apakah yang akan saya peroleh daripada program ini?</p> <ul style="list-style-type: none"> • Tertakluk pada terma kemudahan DF mengikut LO yang dikeluarkan oleh Bank kepada anda, anda akan menerima pembiayaan DF yang: <ol style="list-style-type: none"> a. tertakluk pada had kemudahan DF; b. bertujuan membiayai pembelian barangan/perkhidmatan berulang yang berkaitan dengan perniagaan anda daripada Pembekal; c. dalam denominasi sama ada Ringgit Malaysia atau mata wang asing yang diterima oleh Bank; d. untuk tempoh sehingga yang diluluskan; dan e. pada faedah yang berdasarkan Kadar Pinjaman Asas (“BLR”) atau Kos Dana (“COF”). • DF akan bersandarkan Kemudahan Pelbagai Perdagangan (“MTF”) sedia ada Bank. 	
<p>3. Apakah peranan dan tanggungjawab saya?</p> <ul style="list-style-type: none"> • Memberitahu Pembekal anda yang mempunyai hubungan dengan Bank tentang niat anda untuk menyertai program DF. • Meminta aku-janji daripada Pembekal anda untuk 'surat pemotongan bekalan', 'jaminan beli balik' atau 'aturan perkongsian risiko', sekiranya diperlukan dan diminta oleh Bank. • Memohon kemudahan DF dan memastikan kemudahan yang diluluskan adalah tersedia dan cukup untuk pengeluaran pinjaman. • Memastikan bahawa dokumen sokongan untuk permohonan DF yang dikemukakan kepada Bank adalah benar, berkaitan dengan perniagaan anda dan terdapat pemindahan barangan atau perkhidmatan. • Memastikan dana akaun anda mencukupi dan memberi kebenaran kepada Bank untuk mendebit akaun anda di Bank bagi sebarang caj, komisen, yuran, belanja tunai langsung Bank berhubung dengan pengeluaran pinjaman DF dan penyelesaian pinjaman DF pada tarikh matang. 	

4. Apakah yuran dan caj yang dikenakan?

No.	Yuran dan Caj	Tarif
1	Komisen (untuk perkhidmatan)	0.3% daripada amaun bil Minimum: RM100; Maksimum: RM500
2	Yuran pengendalian - Penciptaan	0.1% daripada amaun bil Minimum: RM50; Maksimum: RM100
3	Yuran pengendalian - Lanjutan tarikh matang	RM100 sahaja bagi setiap lanjutan
4	Berbilang bayaran (3 bayaran ke atas)	RM50 sahaja
5	Nilai transaksi kurang daripada RM100,000	RM100 sahaja
6	Bayaran pemindahan (IBG/RENTAS)	RM2 sahaja
7	Bayaran Pos	Dalam Malaysia: RM5 Di Luar Malaysia: RM20
8	Perkhidmatan Kurier	Dalam Malaysia: RM15 Di Luar Malaysia: Tertakluk pada destinasi
9	Caj Tertunggak	RM50 sahaja untuk setiap transaksi

Yuran atau caj yang dinyatakan adalah tidak termasuk mana-mana cukai kerajaan yang mungkin dikenakan oleh Kerajaan Malaysia pada masa sekarang mahupun pada masa akan datang. Sekiranya kerajaan mengenakan apa-apa cukai ke atas yuran atau caj disebabkan oleh pindaan undang-undang atau apa-apa faktor yang lain, Bank berhak mengubah atau menyemak semula jumlah wang yang perlu dibayar.

5. Bagaimanakah jika saya gagal melaksanakan kewajipan saya?

- Jika anda tidak membayar pokok dan faedah pada tarikh matang, Bank akan mengenakan caj Faedah Mungkir mengikut kadar yang dinyatakan dalam LO, bermula dari tarikh matang sehingga tarikh bayaran penuh dilunaskan.
- Sekiranya bil masih tertunggak selepas 3 bulan, status kemudahan kredit anda di Bank akan dikategorikan sebagai pinjaman tak berbayar.
- Bank akan menggantung penggunaan kemudahan-kemudahan kredit yang diberikan kepada anda.
- Bank boleh menggunakan haknya dan memulakan proses pemungutan/tindakan undang-undang yang merangkumi, tetapi tidak terhad kepada, prosiding kemuflihan/penggulungan (jika jumlah tertunggak mencapai had tertentu). Aset anda mungkin dibekukan dan disita sekiranya diisytiharkan muflis/dikenakan penggulungan.
- Tindakan undang-undang ke atas anda juga mungkin menjejaskan taraf kredit anda yang menyebabkan pinjaman kredit anda lebih sukar atau mahal.
- Hak tolak selesai: Bank berhak untuk menggunakan mana-mana baki kredit dalam akaun anda di Bank untuk melunaskan jumlah tertunggak mana-mana kemudahan di Bank. Walau bagaimanapun, jumlah tolak selesai akan diberitahu kepada anda sebelum dilaksanakan.

6. Bagaimanakah jika saya melangsaikan pembiayaan sebelum tamat tempoh?

- Faedah akan dikira sehingga tarikh pembayaran penuh.

7. Adakah saya memerlukan perlindungan insurans?

- Tidak berkenaan.

8. Apakah risiko utama?

- Kemudahan DF anda akan terjejas sekiranya Pembekal menarik balik aku-janji 'jaminan beli balik' atau 'surat pemetongan bekalan'.

9. Adakah saya memerlukan penjamin atau cagaran?

- Penjamin harus disediakan sekiranya perlu.
- Cagaran harus disediakan sekiranya perlu dan mesti dapat diterima oleh Bank.

Nota: Syarat di atas adalah bergantung pada kebolehpercayaan kredit anda.

10. Apakah yang perlu saya lakukan sekiranya terdapat perubahan pada maklumat untuk menghubungi saya?

Adalah penting untuk anda memaklumkan kepada Bank tentang sebarang perubahan maklumat hubungan anda bagi memastikan semua surat-menyurat sampai kepada anda tepat pada masanya. Untuk bantuan, anda boleh menghubungi/memberi makluman secara bertulis kepada Pengurus Perhubungan masing-masing.

11. Di manakah tempat untuk mendapatkan bantuan dan pembelaan?

- Jika anda bercadang untuk membuat aduan mengenai produk atau perkhidmatan yang disediakan oleh kami, anda boleh menghubungi kami melalui:

AmBank Contact Centre
No. Kotak Pejabat Pos 12617, 50784 Kuala Lumpur,
Tel.: (603) 2178 8888
E-mel: customercare@ambankgroup.com

- Sekiranya anda tidak berpuas hati terhadap penyelesaian ke atas pertanyaan atau aduan anda, anda boleh menghubungi Bank Negara Malaysia LINK melalui:

Blok D, Bank Negara Malaysia,
Jalan Dato' Onn,
50450 Kuala Lumpur.
Tel.: 1-300-88-5465
Faks: 03-2174 1515
Laman web: bnmlink.bnm.gov.my

- Sebagai alternatif, anda boleh mendapatkan perkhidmatan Agensi Kaunseling dan Pengurusan Kredit (AKPK), sebuah agensi yang ditubuhkan oleh Bank Negara Malaysia bagi menyediakan perkhidmatan pengurusan wang, kaunseling kredit, pendidikan kewangan dan penstrukturan semula pembiayaan secara percuma kepada individu. Anda boleh menghubungi AKPK melalui:

Level 5 & 6,
Menara Aras Raya
(Formerly known as Menara Bumiputra Commerce)
Jalan Raja Laut, 50350 Kuala Lumpur
Tel.: 03-2616 7766
E-mel: enquiry@akpk.org.my

12. Di manakah boleh saya mendapatkan maklumat lanjut?

Untuk butiran lanjut tentang manfaat, yuran dan caj, anda boleh melayari www.ambankgroup.com.

13. Lain-lain produk perdagangan yang tersedia: -

- | | |
|--|--|
| • Jaminan Bank | • Pembiayaan Invois |
| • Jaminan Bank Atas Kaunter | • Pinjaman Perdagangan Mata Wang Asing |
| • Penerimaan Jurubank | • Pendahuluan Kredit Pembungkusan |
| • Pembelian Bil Keluar Lansung | • Resit Amanah Ringgit |
| • Kutipan/Pembelian/Rundingan Berdokumen | • Jaminan Perkapalan |
| • Pembiayaan Semula Kredit Eksport | • Surat Kredit Tunggu Sedia |

PENTING! CAGARAN ANDA MUNGKIN DICAIRKAN SEKIRANYA JADUAL PEMBAYARAN TIDAK DIPATUHI

Maklumat yang disediakan dalam helaian pendedahan program ini adalah sah dari 30 November 2023 sehingga kemas kini yang seterusnya. Sila layari www.ambankgroup.com untuk mendapatkan maklumat terkini.

Semua kiraan dan kadar di atas adalah untuk tujuan ilustrasi sahaja. Tertakluk pada terma dan syarat.

Penafian: Kemudahan sebenar yang akan disediakan oleh pihak Bank adalah bergantung pada penilaian kredit anda yang dilakukan oleh Bank. Penghantaran helaian pendedahan program ini kepada anda tidak mewujudkan apa-apa kewajipan oleh Bank untuk memberi anda apa-apa kemudahan.

Saya/ Kami mengakui bahawa terma kontrak utama dan kewajipan kewangan saya/kami di bawah produk kewangan ini telah dijelaskan dengan secukupnya kepada saya/kami oleh wakil sah daripada AmBank (M) Berhad.

.....

Nama:

Nombor KP:

Tarikh:

Atau

Untuk dan bagi pihak

No. Pendaftaran:

.....

(Penandatanganan dibenarkan/Pengarah)

Tarikh: